

族 劝 小 引

从来名门各有教则流传后裔贤明子孙率而之乃保家声不坠书香斜名长远今虽才短未免愿望族人之心实胜谨依公例劝各鼃作劝说后之贤肖达理之士料无不谅其心焉是为引

一、劝孝亲说

父母之尊如天地然天地生万物以养人父母生子姓以承世试思苟无父母安有此身不孝父母是自忘其身之本也故贫则宜菽水承欢竭力营谋务令父母常有喜容不便父母常生愁叹富则宜读书循理奋发向上务令父母有令子以贻令名不令父母有逆子而遗恶名则孝之大者矣若贫能奉亲又能苦志力学富又能先意养志斯为孝亲之肖子吾族之模范也曾子曰身体发以显父母孝之终也子夏曰事父母能竭其力劝孝之训多矣姑撮其略

以为说

二、劝友恭说

兄弟之生如手足然偶有疴痒右救其左左救其右至于行持先后协力无他动以天也兄弟同天于父母即有嫡庶前后之出形虽分气则联体貌不似骨月则同乃幼则乳同怀食其案衣传服学联业何相爱也至于室家配合之后则兄弟日疏妻子日亲日亲则日厚日厚则兄弟日薄故笃天伦者有妻有子之后尤当亲爱兄弟庶保骨肉百年和集倘至如柳仲涂所诫弃姓相聚争长兢短分门割户患贼仇将凉薄之习开而家声亦从兹替朱文公家训曰听妇言乖骨月岂是丈夫然则兄弟宜友爱其弟弟宜恭敬其兄实是天理当然如是凡一切财产诸事务期兴仁兴让不然必要兄弟一般莫为小故致伤父母元气古诗云祇绿花底莺

声滑遂使天边雁影疏又曰隔窗休听黄鹂语
踏落荆花满院飞又曰同气连枝各自荣些须
言语莫伤情一回相见一回老难得来生又兄
弟谚云听得枕边言忘了手足恩伏忘族众相
劝戒云

三、劝正身说

正 之说如豎标然标正则影正标斜则
影斜身既不正则男女内外无所取法子孙弟
侄无所模样故家长之人好恶不可偏私情意
不可暧昧礼法不可疏略言语不可轻薄衣冠
不可俗艳凡治家读书应酬祭祀大小各举备
宜勤俭真朴以身先父母徙督责在下若能内
外咸和令人肃然敛容敬方得正身之效矣孔
子曰其身正不令而行其身不正虽令不从为
父兄者早自勉旃望之切切

四、劝积德说

德之积也如聚财然今日积一金明日积一钱数年而用足矣又数年而有余矣数十年间随其才力运数而小康而钜万皆积之之功也况德也者上合天心阴鹭中继祖宗根本不下荫子孙荣昌安可不务积乎易曰积善之家必有余庆又曰善不积不足以成名故家有余心有才救难济急修建桥渡路亭一切培植寒士助给婚嫁葬埋种种方便阴功自可信心奉行不然一言一行皆求益人教人为善亦一德也孔子曰主忠信徙义皆所以崇德也

五、劝存心说

心之存也如闻雷然雷声初发而心悚然迅雷大震动魄警心不胜惶恐畏惧此时岂尚有机巧奸伪妄作之心乎故心灵吾存其正心最巧吾存其乎心最好胜吾存其淡心最多私吾存其公时时刻刻若天地魁神罗布森列纠

察于我则妄念不生邪心自退礼曰天道至数
风霆流形易曰洊雷震君子以恐惧修省孟子
曰操则存舍则亡出入无时莫之其乡又曰存
其心养其性皆所以事天也皆存心之法也

六、劝齐家说

齐家之道如治民然然家人父子之恩重
须当致之以义不若官民相际之法严惟当济
之以爱故欲齐其家先正其身身无邪辟之行
则男女有别而父子之间日积月累深知吾之
身范不敢妄干以私而男女内外好恶之心齐
矣故大学垂训齐家戒一辟字辟者偏也亲爱
贱恶哀矜赦惰之所一有偏心则威之而不畏
智馭之而不信且必貽累子了诟卒器凌从此
衰败坠厥家声矣朱文公家训曰长幼内外须
法肃词严传曰凡为家长必谨守礼法以馭群
子弟如此则内严外宽之法成而一家齐即族

之感法者皆相与务齐矣为家长者尚勉之哉

七、劝读书说

读书之说如业工商然工求艺熟以给家商求利倍以成家读书则备明圣贤之理以善身善家而善世其初则务求变化气质外之气象心之涵养也其继务见之行事圣贤之言会之于心体之于事见之于行方为读书有益至学为文章词令皆是性分中英华有德者必有言也亦自必有功名早遂扬名显亲者下之学为书计亦要求晓孝弟忠信礼义廉耿大端以成其用总以毋辜负父母教子一片婆心则诚善读书者矣朱文公家训曰读书志圣贤为子弟者尚其勉之

八、劝延师说

延师之说如进贤然贤士为国之宝明师兆家之兴其一取品端心正足为子弟一生模

书史无不通晓援笔成文左右逢源若深耕易耨烘种肥田滋基乘时经传昭昭概难枚举蓄苗而不秀秀而不实皆属怠惰鲁莽之报乃若高下燥湿异种纵横分合殆治如法执勤布种春耕夏耘秋收冬藏勿惮劳苦勿畏早夜水为之浅旱为之荫年年倍登语云皇天不负苦耕人自古然矣兑圣朝富而后教俗云耕始可读朴者既归农矣可不力勤以助读者膏火资斧以光门第乎者通明亦足以助耕者之体面使用也诗云自古有年令适南亩或耘或耔黍稷薿薿攸介攸止烝我髦士欲为贤肖子弟者其敬听之

九、劝内职说

内职之说如教童蒙然师教善则子弟从而善师教不善则子弟因而不善故善内职者读书则佐助隆师款待礼节宾朋则佐助往来

楷次则学问文章优美严课善引掖不中以至于中不才以至于才庶几子弟品行文章兼优功名事业可望成就宗族光辉于焉有赖至若终岁束修师和一家俯仰资用所给须从其丰上年交全固属体恤若两次交上须如意应期不可怠缓至成简褻倘家若果厚与其侈声色服美奢靡于百为不若爱子弟重先生为尊贤重道计也古今获报者多多矣其余迎送奉待疑接礼数须要识得朝廷尚且尊贤重士则延师之道乃有得矣诗云燕山窦氏郎教子有义方灵椿一株老丹桂五枝芳帝君曰毋慢师长太上曰慢其先生慢之一字则得罪先生并得罪于圣人矣岂能福佑后嗣乎望子弟发越者其敬听而尊行之

十、劝力耕说

力耕之说如力学然试看发奋读书子弟

礼意执勤力耕则调整农人饮食督理井白湑送衣服则身先佐助纺织昼宵机杼祭祀则佐助俎豆茶酒蔬饌种种淑善无不可为诸妇女娣师法如此内职但是率其家未有不兴盛者古来贤淑模范诸史烈女传中一难枚举所望于教妇初来教儿婴孩二语族众体而行之则器凌诘卒之风可以渐免而内助贤淑接踵流芳矣诗曰春日迟迟采芣苢芢芢又曰为晞为俗服之无铎又曰采采芣苢薄言輟之采采芣苢薄言将之帝君教经日妇德成夫行化从闺中式所系重且大淑训安可越皆内言职之芳型也

十一、劝循礼说

循礼之说如治田之必耕耨然耕耨各事勤谨则丰收家肥倘耕耨各事疏略则薄收缺养故世禄之家鲜克由礼礼以荡凌德则富贵

不可不循礼矣不然傲忽长者先生睚眦众人全无周旋逊让举止招祸致怨富贵亦不能久永贫寒而能循礼虽俯仰不给既能尊贤重士而父子兄弟夫妇尊卑内外伦纪秩然不为苟贱无廉耻不为扑率失礼仪且凡族中婚姻庆吊不以其人家贫不能疑洽遂竟绝恩义相关之心全无问候执勤之意故长幼循礼实属名门家法方家举止也谨之勉之是所望焉乐纪曰礼乐不可斯须去身礼所以固人肌肤之会筋骸之束孔子曰富而无骄未若富而好礼又曰不学礼无以立故观礼之得失可以知人之吉凶此循礼之说也

十二、劝忠君说

忠君之说如幼子之恋慈父然若既成立矣父有命则当趋承恐后父有事则当力勤庄右父有故则当踊跃保护以全天伦父有遇则

当諫諫不听号泣随之所以君养民则设官食君之禄在外当思爱民如子勤加教训抚恤以尽代君牧民之责无为受贿蔽敛累民之事务祈一举一动如见圣主在前小心虚心听办事理报君恩于万一在内则靖共尔位各率其职倘蒙眷爱重大尤当将顺其美匡救其失保护圣朝无所绵绵万祀则君恩渥而宗祖亦藉以增光俎豆矣如是则言者无咎而闻者有益矣勉之慎之朱文公家训曰为官心存君国帝君曰正直代天行化慈祥为国救民皆忠君之道也

十三、劝爱民说

爱民之说如慈母之乳哺其子然饥无过饱则亢气调寒铁厚燠则苗窍密所以牧民之道务相时地之宜以为教养之法斯为因时措置妙用故有哀矜则惻隐致有教养则暴酷除

试念虐民酷吏帝君谆谆以身立教若又能慈以救难义以济急惠以恤孤恩以憐贫诸美并举则如书传所列儒吏循吏良吏贤父母皆统之矣若夫在内爱民之事俯乞清心寡愁无务富国惟祈富民患为预防灾为画策贤能集议和衷共济其于爱民之道迹虽隐而德自彰君恩四达浩荡无涯此爱民之极量也拭止俟之并祈族中贤明敬而听之若已受君禄切望即体而行之

十四、劝睦族说

睦族之说如种树之培其根本然故滋培厚则千枝万叶茂密千霄滋培浅则拳曲枯朽旋踵扑拔何则范文正公出自先人来积数百年始发于吾得致大官吴中宗族固有亲疏然先人视之则均是子孙殊无亲疏也独享富贵而不恤宗族异日何以见先人于地下今何颜

入家庙宁故已烈仕籍者无徙为一家身口荣
肱之计当如范文公恩例俸赐均诸族人并置
义田义宅以瞻穷乏郎在未登科未列仕版者
亦宜志范文公之志其居家力学之际勿徙务
求一己助名华耀了事乃为有本有用之材且
有志者事竟成皆前哲龟蔡之言也故文正公
与尧夫父子继相至今裔族繁盛是其证也作
劝睦族说

二零一七年丁酉岁太清公系周氏联谱委员会

柏鹏根据历届谱牒相关资料整理拜撰

二零一七年（丁酉岁）三月